

جَزِيدَةُ مَحَاكِمَتِ

جمعه ايرتسى

نومرو ۸۳۲ صفر ۱۳۱۳ ۱۵ نوز سنه ۱۳۱۱ صحيفه ۱۱۶۲۹

(اشبو غزته بهر هفته جمعه ايرتسى كونلرى چيقار . سنه لكى درسعات ايجون مجديه يكرى فروش)
(حسابيله التمش فروشدر . طشره لر ايجون اون بش فروش پوسته اجرتى ضم اولنور . بهر)
(نسخه سى ينه مجديه يكرى فروش اولق اوزره يوزبارة به هر يرده صابيلور . درج اولنه جق)
(اعلانا تىك هر برندن بر مجديه اخذ اولنور . سنه لکنه مشترى اولق استيانلر عدليه نظارى)
(داره سنده كان جریده محاکم اداره سنه مراجعت ايليدر)

نظارت جليله سى مكتوبى قلمى خلفاسندن رفعتلو
على رضا وبغداد استيناف محكمه سى مدعى عمو -
ميسى جميل ودرامه سنجاغى بدایت محكمه سى
جزا دائره سى رئيسى محمود عزيز و خداوندكار
ولايى استيناف محكمه سى فخرى اعضاسندن
عزت وادرنه ولايى استيناف محكمه سى حقوق
قسمى باش كاتى حسنى و ولايت مشارالها مركز
بدایت محكمه سى مستنطق معاونلرندن شكرى
اقتديله رتبه ناله

وظائف مأموريتى حسن ايضا اتمكده

قسمى

توجيها ت

بك اوغلى بدایت محكمه سى جزا دائره سى
رئيسى سعادتلو احمد رشيد بك افندى به قدم
واهلينته مبنى ترفيعاً رتبه اولى صنف ثانيسى
مشاهد اولان اقدام و مساعيلرينه مبنى عدليه

اولسندن ناشی بك اوغلی بدایت محكمه سی رئیس
اولی سعادتلو عثمان بکه ترفیعاً رتبه اولی صنف
ثانیسی

وظائف مأموریتی حسن ایفاده مشاهد اولان
حسن خدمت وغیرته مبنی عدلیه نظارت جلیله
سی امور جزائیة مدیری عزتو جمال الدین بکه
حائز اولدینی رتبه علمیه سنک ملکیه به تحویلله
رتبه ثانیه صنف متمایزی

وظائف مأموریتلرینی ایفاده مشاهد اولان
اقدام وغیرتلی جهتیله محکمه تمیز حقوق دائره

سی ضبط کتبه سندن رفعتلو نوری و خمس سنجانگی
بدایت محکمه سی مدعی عمومی معاونی بشیر
مجددی افندیلره رتبه ثانیه و در سعادت استیناف
محکمه سی جنایت قسمی ضبط کتبه سندن فتوتلو
بهجت بکه رتبه علمیه سنی تبدیلاً رابعه رتبه لری
توجیه بیورلمشدر .

موش سنجانگی بدایت محکمه سی مدعی عمومی
می معاونلکی بتلیس استیناف محکمه سی باش کاتبی
حافظ شریف افندی به تفویض بیورلمش و اصول
مقرر و جهله اجرای تحلیفی حقننده محکمه تبلیغات
ایفا قلمشدر .

تکه سنجانگی بدایت محکمه سی جزا دائره سی
ریاستی کوریجه سنجانگی بدایت محکمه سی جزا
دائره سی رئیس عزتو رشاد بکه

کوریجه سنجانگی بدایت محکمه سی جز
دائره سی ریاستی تکه سنجانگی بدایت محکمه سی
جزا دائره سی رئیس بهجت بکه

تکه سنجانگی بدایت محکمه سی مدعی عمومی
معاونلکی کوریجه سنجانگی بدایت محکمه سی
مدعی عمومی معاونی اسماعیل نجیب افندی به

کوریجه سنجانگی بدایت محکمه سی مدعی
عمومی معاونلکی کوتاهی سنجانگی بدایت محکمه
سی مدعی عمومی معاونی جواد افندی به

کوتاهی سنجانگی بدایت محکمه سی مدعی
عمومی معاونلکی تکه سنجانگی بدایت محکمه سی
مدعی عمومی معاونی شوکت افندی به تفویض
بیورلمش و مومی الیهمدن رشاد و بهجت بکر
ایله جواد افندیک مأموریت سابقه لرینه حین
تعیینلرنده تحلیفلری اجرا ایدلمش اولدینی کبی
دیگر لرینک دخی ذات شوکتسمات حضرت خلا
فتنهای به و دولت علیه لرینه صادقانه ایفای خدمت

ایله جکرینه و مغایر عدالت حرکاتده بولمیه
جکلرینه دائر امر تحلیفلرینک اجرایی حقننده
محلرینه تبلیغات مقتضیه ایفا قلمشدر .

طربزون ولایتی استیناف محکمه سی جزا
دائره سی ریاستی ادرنه ولایتی استیناف محکمه سی
جزا دائره سی رئیس سابق عزتو اسعد افندی به

عکا بدایت محکمه سی جزا دائره سی ریاستی
جبل برکت بدایت محکمه سی جزا رئیس علی
حیدر افندی به

جبل برکت سنجانگی بدایت محکمه سی جزا
دائره سی ریاستی عکا سنجانگی بدایت محکمه سی
جزا دائره سی رئیس عاکف افندی به

حما سنجانگی بدایت محکمه سی مدعی عمومی
معاونلکی عکا بدایت محکمه سی مدعی عمومی
معاونی راغب بکه

عکا بدایت محکمه سی مدعی عمومی معاونلکی
حما بدایت محکمه سی مدعی عمومی معاونی حامد
افندی به تفویض بیورلمش و مومی الیهمدن
علی حیدر و عاکف افندیلر ایله راغب بک
مأموریت سابقه لرینه حین تعیینلرنده امر تحلیفلری
اجرا و محکمنده بولسان حامد افندیک اصولاً


تحلیف ایدلمسی ضمننده عکا متصرفلغه تبلیغات
ایفا ایدلدیکی کبی اسعد افندیک دخی ذات
شوکتسمات حضرت خلافتنهای به و دولت علیه
لرینه صادقانه ایفای خدمت ایله جکمه و مغایر
عدالت حرکاتده بولمیه جفته دائر بوکره تحلیفی
اجرا قلمشدر .

معموره العزیز استیناف محکمه سی جزا دائره
سی ریاستی دیار بکر استیناف محکمه سی جزا
دائره سی رئیس عزتو شا کر افندی به

دیار بکر استیناف محکمه سی جزا دائره سی
ریاستی سیواس استیناف محکمه سی مدعی عمومی
عزتو حسین یحیی افندی به

سیواس استیناف مدعی عمومی میلکی طربزون
استیناف محکمه سی مدعی عمومی سعادتو غالب
بک افندی به

طربزون استیناف محکمه سی مدعی عمومی میلکی
ارضروم استیناف محکمه سی جزا دائره سی رئیس
سابق عزتو لطفی افندی به تفویض بیورلمش
و مومی الیهمدن غالب بک مأموریت سابقه سنه
حین تعییننده تحلیفی اجرا و حسین یحیی و شا کر
افندیلرک اجرای تحلیفلری حقننده محلرینه تبلیغات
ایفا ایدلدیکی کبی بوراده بولسان لطفی افندیک



دخی ذات شوکتسمات حضرت خلافتیناهی به
ودولت علیه لرینه صادقانه ایفای خدمت ایلیه -
جکته ومغایر عدالت حرکاتده بولنیه جفته دائر
بوکره تحلیفی اجرا قلممشدر .

جانیک سنجانغی بدایت محکمه سی مدعی
عمومی معاونلکی بک اوغلی بدایت محکمه سی
ضبط کتبه سندن ومکتب حقوق شاهانه مأذونلر -
ندن حسین حسنی افندی به

قالینوز بدایت محکمه سی ریاستی صغری
بدایت محکمه سی رئیس محمد حسیب افندی به

صغری بدایت محکمه سی ریاستی قالینوز
بدایت محکمه سی رئیس عثمان نوری افندی به

تفویض بیورلمش ومومی الیهدن بوراده بولنان
حسین حسنی افدینک ذات شوکتسمات حضرت

خلافتیناهی به ودولت علیه لرینه صادقانه ایفای
خدمت ایلیه جکته ومغایر عدالت حرکاتده بولنیه -

جفته دائر تحلیفی اجرا ومحللرنده بولنان دیگر
لرینک تحلیفلریچون دخی جزایر بحر سفید

استیناف محکمه سی مدعی عمومیلکنه تبلیغات
لازمه ایفا قلممشدر .

بغداد بصره موصل ولایتلری عدلیه
مفتشلکی سوریه استیناف محکمه سی جزادائرة سی

رئیس سعادتلو حمدی بکه

بتلیس ولایتی مرکز بدایت محکمه سی
مدعی عمومی معاونلکی یازید سنجانغی بدایت
محکمه سی مدعی عمومی معاونی حافظ احمد افندی به
بازید سنجانغی بدایت محکمه سی مدعی

عمومی معاونلکی ارضروم استیناف محکمه سی
باش کاتبی عارف حکمت افندی به تفویض بیورلمش
ومومی الیهدن حمدی بک ذات شوکتسمات
حضرت خلافتیناهی به ودولت علیه لرینه صادقانه

ایفای خدمت ایلیه جکته ومغایر عدالت حرکاتده
بولنیه جفته دائر بوراجه تحلیفی اجرا ایدلدیکی

کبی دیگر لرینک دخی اصول مقرره وجهله
تحلیفلری ضمننده محللرینه تبلیغات ایفا قلممشدر .



(رژی نظامنامه سندن ما بعد)

یکرمی اوچنچی ماده رژی شر کتته
مدیون اولان زراعک کفیللری عدیم الاقدار

اولدقلری حالده دخی اقدارلری اختیار مجلسلری
طرفندن تصدیق و بیان ایدلمکده اولدیغندن بوکا

متجاسر اولان مختار لر ایله اختیار مجلسلری اعضاسنک
متسلسلاً مسئول و ضامن اوله جقلرینک عدلیه

نظارتی طرفندن تماماً اشعاری رزینک جمله
مطالباتندن اولوب زراعک رژی به ورزینک
زراع قارشو اولان حقوق ووظائفی مین نظامنا -
مه نیک دردنجی ماده سنک فقره اخیره سنده جزای

تقدی اعطاسیله محکوم اولوبده تأدییه ایتمیان
ویاخود جزاسنه مقابل حبس ایدلمیان زراع
جزای تقدی بی سنه آتیه محصولاتیه تأدییه
ایده جکنی متعهد اختیار مجلسنک تحت

تصدیق ومسئولیتنده اوله رق بر قوی
کفیل ارانه ایتمکجه سنه آتیه ایچون زراعت
رخصتنامه سی استحصال ایده من دیو محرراولمسنه

کوره کفالت خصوصنک یالکر جزای تقدیدن
طولایی دینی اولنلره منحصر بولندینی منضم
اولدینی کبی کفیلک اقدارینی تصدیق ایدن اختیار

مجلسنه دخی نظاماتیمین مسئولیت ایدلمش واشبو
مسئولیتک مالجه تضمیندن عبارت اوله جنی درکار
بولمش اولوب ذاتاً رژی اداره سی ایچون سنه آتیه

محصولاتی انبارلره الهرق اندن استیفای حقوق
ایتمک امکانی موجود اولمقله برابر شایدسنه آتیه
محصولاتی یارقضادن طولایی تلف اولمق ویاخود

بینه قچاغه صرف اولمق کبی برسیدن طولایی
محصولاتندن تأمین حقوق ایدیله مدیکی حالده کفیله
وکیل دخی غیرمقتدر ایسه اولوقت اقدارینی

یکرمی دردنجی ماده زراع اهالی بشقه -
لرینک نامه اوله رق رخصت استحصال ایله توتون

یشدیروب قچاغه صرف ایتد کدن صکره نامی
اشعار اولمش اولان شخص ظهور ایتمامکده
اولدیغندن رخصت استمدانامه لری مندرجاتنک

تصدیق ایدن اختیار مجلسی هیئته مراجعت اولمق
لازم کلوب اگرچه اختیار مجلسی علیهنده اقامه
اولنان بعض دعوی اوزرینه محکمه جبه صراحت
نظامیه به قارشی هیئت مذ کوره نیک برائته قرار

ویرلدیکی ویریلان ایضا حادتن اکلشلمش ایسه ده
برمحکمه ده ویریلان حکم مغایر قانون اولدینی
حالده اشبو حکمک استیناف و تمیز صورتیه
تصحیحی امکان قانونی تحتنده اولوب بویله بر

محکمه ده یا ککش حکم ویرلمسندن طولایی هر طرفه
تبلیغات اجراسنه لزوم اولدینی کبی نظامنامه
مذ کورده محرر اولان مسئولیتک تعیین و تفسیر

معنای محکمه تمیزه عائد بولندینی جهته تعقیب
دعوی ایله محکمه تمیزجه حل مسئله اولمق سیرین
برمامله به محل اولدیغندن رژی اداره سنجه

بیان اولنان دعوانک تمقیبله محکمه تمیزدن صادر
اولان قراره کوره مقتضای مصلحتنک اجرایی
قرارلشدیرلمشدر .

موافق حقیقت اولوب اولدینی تدقیقه و مستدعینک
زرع ایده جکی ترلارک صاحب ویاست تجری
اولدینی اثبات ایتسی تکلیفه رژی اداره سنک
صلاحیتی اولسی طلب اولسوب اون سکنجی
ماده ده کوسترلدیکی وبالاده بیان قلندینی وجهله
رخصت استدعا نامه لرینک حکومت محلیه یه اعطا
سیله ورژی اداره سنجه تردد اولدینی حالده
کوستریله جک لزوم اوزرینه طایبو ونفوس قلملرنده
مستدعینک اراضینک صاحب واسمنک دفتر نفو
سنده مقید اولوب اولدینی حقیقه کی معلومات
قیودیه نک استدعا نامه لرده یازلمسی مقرر اولدینی
جهتله اداره مرقومه نک اشبوطایی انکله برطرف
ایدلمشدر .

یکرمی بشنجی ماده رخصت استدعا نامه
لری رژی اداره سنه خطاباً تحریر واعطا اولنق
حکم نظام ایجابندن اولدینی حالده استدعا نامه لرک
حکومت محلیه طرفندن اخذ وقبول ایلمکده اولدینی
شکر کتجه شکایت اولنقده ایسه ده مذکور استدعا نامه
مه لرک حکومت محلیه یه اعطاسی رژی اداره سیله متفقاً
قرارلشدیرلش اولوب انجق رژی مامورلرینه
حواله اولنان استدعا نامه لر اصحابی ایچنده نظاماً
رخصت اعطاسی جائز اولمیان زراع بولندینی حالده
سینک برهفته طرفنده تحریریه حکومت محلیه یه

اعطاسی اولکی قرار اقتضاسندن ایسه ده رژی
مامورلرنجه ایجاب ایدن تحقیقات و تدقیقاتک
بومدت طرفنده اجراسی مشکل و متعسر اوله جنی
اداره مذکوره جانبندن درمیان اولنمش اولدینندن
اومقوله استدعا نامه لرک اون بش کون طرفنده
اعاده سنک تجویزی واعاده اولنان عرض حاله سینک
ایضاحیله رخصت اعطا اولنمدینی اشارت و تحریر
ایدلش اوله جفندن حکومت محلیه جه ذکر اولنان
سینک تدقیقه عکسنه بر معامله ایدلیوب مستدعی
اشبوجوابک یولسزلنی زهابنده بولنورسه محکمه یه
مراجعتله رژی اداره سی علیه نه موسم زراعت
سساعد ایسه رخصت اعطاسی و مساعد دکل ایسه
محروم اولدینی تجار تیله ضرر وزیاننک تضمینی
ایچون اقامه دعوا ده مختار اولدیننک کندوسنه
تفهیمیه اکتفا قلنسی قرارلشدیرلشددر .

یکرمی ایتنجی ماده زراعتک رژی یه
ورژینک زراعه قارشو اولان حقوق ووظائفی
میین اولان نظامنامه نک یدنجی وطقوزنجی واون
برنجی واون ایکنجی ویکرمی برنجی ماده لری
موجبجه لازم کلان معلوماتی وقت وزمانیله اعطا
ایتمیان زراع حقیقه الی اوچنجی ماده سی
احکامنک اجراسی لازمه دن ایدو کنسک عدلیه
نظارتنندن تعمیماً اشعاری طلب اولنوب ذکر اولنان

الی اوچنجی ماده نظامیه ده شرطنامه ایله دخان
نظامنامه سی احکامنه مخالف اولوب اشبونظامنامه ده
محرر احکام ایله قابل تطبیق اولمیان حرکاتی ایقاع
ایدنلردن یارم عدد یوزک عثمانلی التونندن اون
عدد یوزک التونه قدر جزای نقدی آنوردیو
محرر اولدیننه و نظامنامه مذکورک تعداد وییان
اولنان ماده لرنده زراعتک عهده سنه بر اقلمش
اولان وظائفندن برینی عدم اجراءن طولایی
ماده مذکوره احکامنجه جزای نقدی ایله تجریمی
لازم کلدیکی تقدیرده محکمه یه مراجعت اولنق
ورژی اداره سی علیه نه برقر ویریلور ایسه
استیناف و تمیز محکمه لرینه مراجعتله تصحیح
ایتدیرلمک ایجاب ایدوب بوا یسه رژی اداره سنه
عائد بولندیننه بناء هنوز صورت قطعیه ده حل
اولمیان بر مسئله ایچون بعض محاکمه جه تردد
وقوعندن بخله محاکمه تبلیفات اجرا ایتدیرلمسنه
محل اولدینندن بوندن صرف نظر له تعقیبات
قانونیه اجراسنک رژی اداره سنه تودیبی تذکر
قلنمشدر .

یکرمی یدنجی ماده ییسانجی واکثریا
کوچیه و تادیبه دیندن عاجز اولوب محصول
یتشدیر که غیر مقدر زراعه اولنان اقراضندن

طولایی رژی شرکتک اوغرادینی ضرر وزیا
تارک تحقیقی ایچون بومقوله لره زراعت رخصتله
مه سی اعطاسندن رژی اداره سنک امتناع ایتسنه
مساعده ارأسی طلب اولنوب انجق اقراضاتک
صورت اجراسی ایکنجی ماده ده کوسترلدیکی
کبی اقراضاتدن مدیون اولان شخصک دیننک
محصولاتیله وعدم کفایتی حالده اموال سائرهنه
مراجعتله استیفاسی نظامنامه نک اوچنجی ماده
سیله تأمین ایدلش وبویله اقراضاتدن مدیون
اولنره رخصت ویرلماسی حقیقه شرطنامه
ونظامنامه ده صراحت کورلماش اولدینندن امر
اقراضاتده مقررات واقعیه توفیق حرکت اولنق
وجهت استقراضدن مدیون اولنلرک محصولات
واموالنه قانون دائره سنده مراجعت ایدلمک
اوزره بشقه برسیدن طولایی دخان زرغنه
رخصت اعطاسی نظاماً ممنوع اولمیان زراعه کا
کان رخصت اعطاسندن امتناع اولنماسی قرار
لشدیرلشددر .

یکرمی سکنجی ماده برنجی تحریر معامله
سنده زراعه ویریلان سرکیلر زراع ایله قومیسینون
اعضاسی طرفندن امضا ویا تخیم اولنق لازم کلوب
قسط زراعندن بعضیسی یازی یازمق بیلمدیکی

وتختیم ایتماسی اسبابی سرکی وقوچانه ایضاحاً اشارتله فرقه تجریریه هیئتی طرفندن تصدیق قلمسی تأمین معامله به کافی وحکم نظامه غیرمنافی اوله جنی کبی محکمه نزدنده دخی مدار احتیاج اوله جنی وفرقه مذکور طرفندن تصدیق وترقیم اولنان شرحده کوستریلان سبیک مقتضا سنه کوره تدقیقات اجراسیله ذات دعوا به قرار ویریله جکی درکار اولدیغنه بناء بو خصوصده بروجه محرر معامله اجراسی لزومی قرارلشد برلشدر .

(مابعدی وار)

قسم غیر رسمی

قرهسی بدایت محکمه سنندن ۱۱ کانون اول سنه ۳۰۵ تاریخی وپوزدرت عددی ایله ویریلان اعلامک تمیزی مالیه خزیننه جلیله سنه اضافله قرهسی متصرفاتی جانبندن باعرفحال استعدا

قلمش وپوم معینده خزیننه مشار الیها طرفندن منصوربک بالوکاله ورود ایدوب مدعی علیه بالیکسربنک مصطفی ققیه محله سننده ساکن ملتره میندن حاجی توفیق افدینک کلامش اولمسیله یالکز وکیل مومی الیهک ایضاحات شفاهیسیله باش مدعی عمومی معاونلرندن سعادتلو یورغای افدینک مطالعه سی استماع اولندقدنصکره تدقیقات تمیزیه اجراسنه ابتدار قلندی .

اعلام مذکورک خلاصه مالی محلی حکومت سنیه وکیلی مومی الیه حاجی توفیق افدینک اوچیوز ایکی سنه سنه محسوباً بدل معلوم ایله التزام ودرعهده ایله یکی بالیکسری قضا سنه ملحق قرای معلومه ده کوجه اوران قریه سنک اعشار بدلندن متباقی خزیننه مشار الیهایی دینی بولنان بیک یدییوز کسورغروشک مع فائض ومصارف محاکمه واجرت وکالت تحصیل و حکمک موقتاً اجراسنی طلب وادعا ایتمسی وعند المحاکمه مومی الیه حاجی توفیق افندی دخی قضاء مذکوردن فرط ناحیه سنه تابع عمر و سائر قرانک سنه مذکور اعشاری عهده سننده تقرر ایله یکی صرهده چینی ولی اوبه سی مذکور عمر قریه سنک حدودی خارجنده اولدینی ذهابیله کوجه اوران قریه سیله

برلشدریله رک بشقه جه مزایده به چیقارلمش وکندوسی پی سورمش ایسه ده مذکور چینی ولی اوبه سی عمر قریه سنک حدودی داخلنده اولدینی واوته دنبرو عمر قریه سیله برابر احاله وتمشیر اولنه کلدیکی تحقیق ایتمسیله اولوقت مجلس اداره ومحاسبه ولایته ایجابی وجهله خبر ویریله رک مذکور چینی ولی اوبه سی کافی السابق عمر قریه سیله تمشیر اولنق وکوجه اوران قریه سننده مناسب بر بدل تقدیر اولنه رق استیفا قلمق اوزره ذکر اولنان ایکنجی مزایده حالیه براغلمش وحقی اعشارک صورت احاله سنه دائر کفالت سندی دخی التامش اولدینی بیان وانبا ومذکور چینی ولی اوبه سی عمر قریه سنک حدودی داخلنده بولندیغنه دائر بر قطعه حدود نامه ابراز واعطا ایلمسی اوزرینه اجرا قلنان محاکمه وتدقیقات نتیجه سننده سالف الذکر چینی ولی اوبه سنک عمر قریه سی حدودی داخلنده قالدینی وکوجه اوران قریه سیله برابر صاتلدینی وملتزم مومی الیه طرفندن پی سورلدیکی قریتین مذکور تینک تابع اولدینی فرط ناحیه سی مدیر لکنک تحریراتی اوزرینه مجلس اداره جانندن یازیلان درکنسارده بیان اولنمش وفی الحقیقه ملتزم مومی الیه سنک کفالت سنندینک

النه مامسيله وبالكز مزااد قائمسنى بالامضا ايشك سورنجه ده قالمسيله دخى تحقق ايتمش اولمسيله شوخالده بر محلك ايكي صورتله ساتلدينى كى حكومت سنه نك مكرراً استحصال بدل خصوصى اصلا قبول ايتمه جكنه بناءً بوبابده كى دفترده محرر اولدينى وجهله اشبو كو كجه اوران قريه سيله چينى ولى اوبه سنك سكسان طقوز وطقسان بش واچيوز اوج سنه لرى بدلات التزاميه سى معا ملات محاسبه به توفيقاً تثليث و تقسيم اولندوقده مذكور چينى ولى اوبه سنك حصه سنه التيوز قرق التى بيق غروش اصابت ايتمش اولسى جهتيله مبلغ مزبورك مبالغ مطلوبه دن بالتزويل متباقى بيك اللى اوج بيق غروشك كو كجه اوران قريه سى بدلى اوله رق مومى اليه حاجى توفيق افندي دن تحصيله حكمدن ومستدعى تميز خزينه مشار اليها و كيلنك اشبو اعلام علينده كى اعتراف ضاتك باشلوجه سى دعواى واقعه اموال دولته تاند اولدينى جهته محاكاتك هر دفعه سنه مدعى عمومينك حاضر بولندي ره رق مطالعه سنك استماعى احكام قانونيه دن اولدينى حالده محكمه جه مدعى عمومينك حاضر بولندير لمامش اولدينى كى حكم واقعتك ماده قانونيه سى اعلام تميز به درج وترقيم اولنما سى مغاير قانون اولديغدن بختله اعلامك

نقضى استندا سندن ومدعى عليك لايحه سنه محرر نتيجته جوابى حكم واقع موافق اصول وقانون اولوب اعتراضات مسروده نك غير وارد اولدينى بيانيله ردى واعلامك تصديق طلبندن ومعاون مومى اليه ك مطالعه سى دخى بداية اجرا قلنان تحقيقات وتدقيقات نتيجته سنه بدل اعشارى ادا اولنان چينى ولى چفتلكنك مكرراً مزابديه ويرلديكى تين ايتمش اولمسيله اعتراف ضات واقعه نك موافق قانون كوريله مديكى بيانندن عبارت بولمشد.

ايروجه اعلام مذكوره درج ايدلك حكم قانون اقتضاسندن اولدينى حالده محكمه مرقومه جه بوراسنه عدم دقتله مدعى عمومينك مطالعه سى تحرير وترقيم اولنما سى مغاير قانون اولديغنه ومستدعى تميز خزينه مشار اليها و كيلنك اعتراف ضاتى بوجهته متدائر اوله رق شايان قبول بولنديغنه ومعاون مومى اليه ك مطالعه سى موافق نفس الامر كوريله مديكنه بناءً اصول محاكمه حقوقيه قانوننك ايكيوز اوتوز ايكنجى وايكيوز قرق برنجى ماده لرى موجبجه اعلام مذكورك تقضيله قانون مزبورك ايكيوز قرق درنجى ماده سى حكمنه توفيقاً كيفيتك صورت مشروحه دائره سنه يكيدن بالرؤيه اعلامه ربطى ضمتنده محكمه مذكوره به اعاده سنه وزيرده مفرداتى مرقم اوچيوز اللى طقوز بيق غروش مصارف محاكمه نك ايلروده حقسنر حيقه جق طرفه رجوع ايتك اوزره اول امرده مستدعى تميز خزينه مشار اليه دن السنه فى ۱۹ كانون اول سنه ۳۱۰ تاريخنده متفقاً قرار ويريله رك تفهيم قلندى.

محكمه استيناف تجارت قسمندن ۱۸ اغستو سنه ۳۱۰ تاريخى وقرق طقوز عددى ايله وبريلان اعلامك تميزنى استندا ايدن شركت خيره وكيلى سعادتلو يور كيادى اقتدى ايله مدعى عليه ماليه خزينه جليله سى وكيلى فضيلتلو اشرف افدينك يوم معينده دائره به ورود ايتلريله ايضاحات شفاهيه لرى وباش مدعى عمومى معاونلر ندى سعادتلو يور غا كى افدينك مطالعه سى استماع قلندقدن صكره تدقيقات تميز به اجراسنه ابتدار اولندى.

اعلام مذكورك خلاصه مالى تيور كورى به ربطيله اداره مخصوصه وشركت خيره واپورلر ينك ياشملرى ايچون خزينه جليله ماليه نام وحسابنه اوله رق انشا ايتديريلان دوبه لر ومقرعاتى ائمانندن خزينه مشار اليه نك شركت خيره ادارسنده غيراز استيفار الاجنئ اولان ايكيوز اوتوز بشيك طقوز يوز اللى فرانك بدلى اولان بر مليون اوتوز درت بيك درت غروش اوتوز التى پاره نك شركت مذكوره دن تحصيلى حقتده خزينه مشار اليها جانبندن اقامه ايديلان دعوانك ردينه وشركت مذكور دوبه لر ائماننه محسوباً خزينه مشار اليه به اعطا ايدوب

ردینی دعوی ایلدیکی یوز بیک فراتقک شرکت خیریه به اعاده سنه دائر تجارت بحریه محکمه سندن ویریلان اعلام محکمه استینافی تجارت قسمنجه بالتدقیق اعلام مستأنف بهده ۱۵ شوال سنه ۸۸ و ۱۳ کانون اول سنه ۳۰۳ تاریخ بله مورخ اوله رق مندرج بولنان شرکت خیریه مجلس اداره سی مضبطه سندن مدت امتیازیه نک بعض شرائطه تمدیدینه مساعد اولنه جفی مقام عالی وکالتینا هیدن اشمار بیورلمسی اوزرینه حصه داران جمعیت عمومی سی بالاجتماع مبحوث عنه اولان دوبله بدلتک شرکت طرفندن تسویه واعطاسی اساساً قرارلشدیرلدینی مسطور بولمغله برابر یالکز مالیه خزینة جلیله سی جانبندن طلب اولنان بدلتک استکثار وتماماً تسویه سی موجب مغدوریت و مسئولیت اوله جفی مقام اعتراضده ازار قلمش اولسنه نظراً شرکت مذکور امور وصالحک مدیر مطلق و مستقل بولنان حصه داران مجلس عمومی سنجه مذکور دوبله بدلتک ادا و تسویه سی اساساً تعهد اولنمش و اقرار بالکتابه بدن معدود اولان مار الیسان مضبطه ده تعهد مذکور اعتراف و تائید اولنمش اولدینی حاله درجه اولی محکمه سنجه تعهد مذکور کلیاً حکم سز براغیله رق خزینة مشار الیهانک رد

دعواسه قرار ویرلمسی و بدل مذ کوره محسوباً بالرضا ویرلمش اولان یوز بیک فراتقک استردا. دینه قرار ویرلمسی مجله نک بیک بشیوز سکسان بدنجی و بیک التیوز التجی ماده لرینه مغایر اولدیفنه و خزینة مشار الیهانک مبحوث عنه اولان دوبله لری فورژ اشانیته قومپانیه سنه سپارش ایتسندن کی صفتی شرایه وکالت ووسا. طندن عبارت اولدیفندن بجهله دوبله لک تسلیم اولتوب اولمدینی قضیه سنک تدقیقنه محل اولمدینی حقنده خزینة مشار الیهانک وکیللری طرفندن واقع اولان افادیه عدم تسلیمک اقرار اولدینی معنایی ویرلمسی مخالف حال و اصول بولندیفنه بناء اعلام مستأنف به مذکور. رک فسختندن و بوبابده کی قرارک حکم قطعی بی متضمن اولمدینی جهته قابل تمیز اولمدیفنه محکمه تمیز استدعا دائره سنجه قرار ویرلدکد نصکره جریان ایدن محاکمات و تدقیقات استینافی به نتیجه سنده شرکت خیریه امور مصالحنک مدیر مطلق اولان حصه داران مجلس سنجه امتیاز مدتسک تمدیدینه مساعد اولندینی حاله سالف الذکر دوبله بدلتک تسویه سی قرار تحتته الهرق اولوجهله دخی اجرای ایجابی تعهد اولنمش و مدت مذکور نک تمدیدینه اخیراً باقرمان عالی مساعده بیورلدینی مسلم

اولوب اولبابده تنظیم قلمن شرطنامه ده دوبله بدلتک شرکت طرفندن تسویه سی حقنده برقید و صراحت اولمامسی اقرار بالکتابه ایله متحقق و مؤید اولان تعهد مذکورک حکم سز لکی مستلزم اوله میه جفی درکار و علی الخصوص شرکت خیریه اداره مجلسنک ۱۵ کانون اول سنه ۳۰۷ تاریخلی مضبطه سنده مذکور دوبله لر ایله تفرعاتی بدلی اوله رق طلب اولنان اچهدن یالکز یوز التمش سکز بیک کسور فراتقی استکثار ایله اوست طرفی بلا اعتراض قبول و تسویه سی تعهدی تائید اولنمش اولسنه کوره دوبله بدلتک اساساً تسویه سی مقرر اوله جفی آشکار اولدیفنه و خزینة مشار الیهانک منازعه حاضره سنی تولید ایدن معامله ده کی صفتی شرایه و ساطت و وکالتندن عبارت وصف مذ کوره خزینة مشار الیهانک حقنده امتیازیه متعلق معاملاتک ایفاسیله احکام متفرعه قانونیه نک تطبیقی مستلزم اولدینی جهته مجله نک بیک درتیوز التمش اوچنجی و بیک درتیوز طقسان ایکنجی ماده لرندن استنباط اولنان حاله کوره مبحوث عنه اولان دوبله لک بلا تعسدی ضیاعندن و یاموکلنک ید تصرفه یکمسنه مانع سائر احوالک وقوعندن طولایی اثمانه مقابل ویرمش اولدینی اچهبی شرکت خیریه به رجوع ایله طلب

واستحصال ایچون بیک درتیوز طقسان برنجی ماده موجب سنجه خزینة نک حائز اولدینی حق و صلاحیت برکونه خلل کلیه جکی بدیهیاندن اولد. یغه و خزینة جلیله حد ذاتسندن اختیار کذب شبهه سندن وارسته اولمغله برابر بوجه محرر بواشده وکیل و امین صفتی حائز بولنمق حسیله مذکور دوبله لک عامل و بایبی اولان مذکور قومپانیه به عزو اولنه بیله جک کی غبن فاحش سببیه استکثار اولنان مقدار نمنک تزیلنه محل اولد. یغندن بوجهته متدائر اعتراض دخی غیر وارد اولدینی خزینة مشار الیهانک دعوی عرضحالی و اوراق سائر ایله اول و آخر طلب و ادعا ایلد. یکی شی مذکور دوبله بدلتک متبانی مبالغت شرکت خیریه جه تحصیلندن عبارت اولوب حق مدعا بهک وجه تولد و تحقیق جهته و وجودندن بحث اولنان تناقض سالف الیسان حصه داران مجلسنک قراری حای مضبطه ده محرر اقرار و تعهد ایله مرتفع بولندیفنه بناء شرکت مذکور وکیلنک بوجهته متفرع اعتراضنک ردیله مدعا به اولان ایکی یوز اتوز بشییک طقوز یوز الی فراتقک شرکت خیریه دن تحصیلنه حکمندن و مستدعی تمیز شرکت خیریه وکیلنک اشبو حکم علیهنده کی اعتراضنک باشلو جه سی درجه اولی

حت اولديغنه و بو جهت حقنده كي اعدادن مقصد نه اولديني تعميق واستيضاح ايدلد يكت بناء اعتراضات واقعه نك موافق قانون اولديني بيانندن عبارت بولمشد .

اجبابي مذاكره اولندقده اعلام استينافي مندرجاتندن منضم اولديغنه كوره كرك بدايت محكمه سنده و كركسه محكمه استينافيه اتناسند، شركت خيريه و كيلي طرفندن منازع فيه دويه لرك تسليم اولنديني درميان اولسنة قارشو ماليه خزينه جليله سي و كيللرينك سالف الذ كر دويه لرك خزينه جليله طرفندن كتورديلوب كوپري به ربط ايدلد يكتني و اخيراً فك ايله يرينه اخشاب كوپرينك وضعندن صكره بييله شركت خيريه مذكور دويه لرك بداني تأديه ايد جكتني نعمه ايلمش وشو حالده خزينه جليله نك تسليم وتسليم بختنده جواب اعطاسنه مجبوري بولنامش اولد . يعني مدافعة بيان وانكار ايتلرينه سود و به لرك تسليم ايدلد يكت مجرد اتماننك ايفاسنه شركت طرفندن موافقت ايدلسندن طولاي اتماننك تأديه ايد شركتك محكوميتي اقتضا ايتيه جكتنه كور . استيناف محكمه سنجه مذكور دويه لرك ربه و تسليم اولوب اولنديني حقنده تدقيقات لازمه بالا اجرا تبين و تحقق ايد جك حاله كوره برحكم

محكمه سنجه ماليه خزينه جليله سي و كيللري منازع فيه دويه لرك ترسانه به تسليم ايدلد يكتني اعتراف ايتدكدن بشقه استينافاً دخي مذكور دويه لرك تسليمي خصوصنك خزينه ماليه به عائد اولنديني بيان ايتلرينه و برمالك ثمني ارانلق مالك تسليم اولندينك ثبوتنه متوقف اولسنة كوره سالف الذ كر دويه لرك تسليمي خزينه مشار اليها به اثبات ايتديرك لازم كلور ايكن برطاقم اسباب سرديله بو باده درميان ايدلان اعتراضك ردينه قرار و يرلسي قانونه مغاير اولد . يفتندن بجهله اعلامك نقضي ومدعي عليه خزينه مشار اليها و كيلنك نتيجة جـ و اي دخي خزينه ماليه مذكور دويه لرك تسوية ثمنه و كيل اولوب تسليم وتسلمه و كيل اولديني و امين اولوق جهتيه بوندن طولاي خزينه به مسئولت توجه ايتيه جكي بديهي و اشكار و حكم استينافيه اصابت قانونيه دركار اولديني بيانيله اعتراضات واقعه نك ردي و اعلام مذكورك تصديقي استدعا سندن و معاون مومي اليهك مطالعه سي دخي حكم واقع مجله نك و كالتسه دائر اولان احكامنه استناد ايتديرلمش ايسده اوراق مبرزه ده دويه لرك ماليه خزينه سنك نام و حسابنه انشاسي مصرح اوله رق خزينه مشار اليهانك شرايه و كيل ايدلد يكتنه دائر صرا-

ويرلك لازم كلور كن دعواي حاضره به مابه التطبيق اولنميان مجله نك مواد مخصوصه سنه توفيقاً حكم اولنسي قانونه مغاير و مستدعي تميز شركت خيريه و كيلنك اعتراضيله معاون مومي اليهك نتيجة مطالعه سي بوضورت مؤيد اوله رق موافق نفس الامر اولديغنه بناء اصول محاكمة حقوقيه قانوننك ايكوز اوتوز ايكنجي ماده سي موجبجه اعلام مذكورك نقصنه و ايكوز قرق درنجي ماده سي حكمنه توفيقاً كيفيتك يكدن بالرؤيه اعلامه ربطي ضمنده قسم مذ كوره اعاده سنه وزيرده مفرداتي محرر ايكوز اون طقوز بچق غروش مصارف تميز به نك ايلروده حقسنز چيقه جق طرفه رجوع ايتك اوزره اول امرده مستدعي تميز شركت خيريه دن اخذ واستيفاسنه ۲۱ مارت سنه ۳۱۱ تاريخنده ا كثریت آرا ايله قرار و يريله رك تفهيم قلندي .

اعلان

تجار دن الطناش خزه لمبديشك بك اوغلي

۲۰۹
۳۷ نومرو سيله مقيد اعلام موجبجه متوفي محمد بكك مخدومي عثمان بك و كريمه سي خديجه خانم ذمتمده محكوم به اله جنی اولان معلوم المقدار مبالغك تأمين استيفاسي ضمتمده غلطه ده قورشو نلي محزن نام ديكر كا نكش قره مصطفى پاشا محله سنده قره مصطفى پاشا سوقاغنده جديد ۶۱ نومرولي و فوقاني التي اوطه يي حاوي بر باب مغازده انتقالاً متصرف اولدقلى نصف حصه شريعه لر ينك حجزيله فروختي بك اوغلي بدايت محكمه سي رياست اوليسي جانبندن تحت قراره النمش اولديغندن تاريخ اعلاندن اعتباراً اونش كون صكره بلمزايده فروخته تشبث اوله جنی بك اوغلي اجرا مأموريتي جانبندن اعلان اولنور .

في ۲۵ حزيران سنه ۳۱۱

خديجه ناحيه خانمك فاطمه صديجه خانم ذمتمده در سعادت بدايت محكمه سي ايكنجي حقوق دائره سنده في ۱۲ تموز سنه ۳۱۰ تاريخ و بوزاللي يدي عددلي برقطعه اعلامي منطوقنجه محكوم به مطلوبو بولنان مبالغ معلومه نك تأمين استيفاسي ضمتمده مزبورده نك تحت تصرفنده اولوب حجز

بدايت محكمه سي رياست اوليسى جانبندين اعطا
بيوريلان قراره توفيقاً تحت حجزه النمش اولمغله
تاريخ اعلاندن اعتباراً اون بش كون صكره
حصص مذ كوره نك بالمزايده فروخته نشبت
اولنه جني بك اوغلي بدايت محكمه سي اجرا
مأموريتي جانبندين اعلان اولنور .

في ۳ تموز سنه ۳۱۱

اركوپلي يكي صراف ميخالا كينك چوجو
اوغلي مصطفى اغا ذمتنده با اعلام محكوم به
مطلوبى اولان مبالغ معلومه نك تأمين استيفاء
سيچون مديون مرقومك اون ايكي حصه
اعتباريله بر حصه سنك نصفه متصرف اولوب
تحت حجزه النان سرکه چيده امير محله سنده
يكي خان زقاغنده كان اون نومرو ايله مرقم
عرصه ده كي مذ كور حصه شايعه سنك تاريخ
اعلاندن اعتباراً اون بش كون صكره فروخته
نشبت اولنه جني درسعادت اعلامات نظاميه اجرا
دائرة سندن اعلان اولنور .

في ۵ تموز سنه ۳۱۱

(مطبعة عامره ده طبع اولمشدر)

ايديلان اقسرايده غربا حسين اغا محله سنده
نعلنجي زقاغنده مكرر يدي نومرو ايله مرقم
مدرسه ادبيه انحاذا اولنان ايكي باب خانه نك التي
حصه اعتباريله بر حصه شايعه سنك تاريخ اعلاندن
اعتباراً اون بش كون صكره بالمزايده فروخته
ختم اولنه جني درسعادت اعلامات نظاميه اجرا
دائرة سندن اعلان اولنور

في ۲۶ خيزران سنه ۳۱۱

اشجي يانينك ^{۳۱۲}/_{۳۰۴} نومرو سيله مقيد اعلام
موجببنجه قارجي اصنافندن مانوق وبقوص
ذمتلرنده محكوم به اله جني اولان معلوم المقدار
مبالغك تأمين استيفاسي ضمننده فرى قريه سنده
خاتم اوغلي سوقاغنده ۲۹ نومرولى برقطعه
عرصه ايله قريه مذ كوره ده حصه و سوقاغنده
۲۴ نومرولى ديكر برقطعه عرصه ده درت حصه
اعتباريله مرقوم مانوغك متصرف اولديني بر
ربع حصه شايعه سيله ينه قريه مزبوره ده خاتم
اوغلي سوقاغنده ۲۷ و حاصو سوقاغنده ۱ نومرو
ايله مرقم برقطعه عرصه ده مرقومان بقوص
ايله مانوغك بش حصه اعتباريله شايعاً متصرف
اولدقلى ايكي خمس حصه شايعه لرى بك اوغلي